

# Lingua Polonica

**Lingua Polonica**<sup>[2]</sup> (*język polski*) est lingua Indo-Europaea ex familia Slavica. Cum lingua Sorabica, lingua Pomoranica (lingua Cassubica), lingua Polabica, lingua Bohemica, lingua Slovaca facit Slavicum occidentale.

<span></span> Index
<b>Loci</b>
<b>Scriptura</b>
<b>Grammatica</b>
<span> </span> <span> </span> Morphologia
<b>Proverbia</b>
<b>Notae</b>
<b>Nexus externus</b>

## Loci

Lingua Polonica est in Polonia sermo prae ceteris principalis.

## Scriptura

Lingua Polonica litteris scribitur Latinis, ad quas, pro sonis in lingua Latina absentibus, aliquot litterae sunt adiectae, ita ut nunc sint triginta et duae:

A	Ą	B	C	Ć	D	E	Ę	F	G	H	I	J	K	L	Ł	M	N	Ń	O	Ó	P	R	S	Ś	T	U	W	Y	Z	Ż	Ź
a	ą	b	c	ć	d	e	ę	f	g	h	i	j	k	l	ł	m	n	ń	o	ó	p	r	s	ś	t	u	w	y	z	ż	ź


Ex quibus:

- Ą et Ę sunt nasalia: O nasale et E nasale.
- Ó O longum olim fuerat, nunc a plerisque eodem modo pronuntiatur atque U.
- Ł olim fuerat L labiale, nunc vulgo pronuntiatur ut U semivocalis.
- Ć, Ń, Ś, Ż sunt C (ts), N, S, Z mollita; quod has consonantes significat quasi cum insequenti 'i' vocali esse coniunctas
- Ž est G palatale, ut in Francogallico "Germain"

Praeter haec etiam sunt in usu digrapha:

- CZ (ut "ch" in Anglico)
- DZ ([ts] sonorum)
- DŹ ([ts] sonorum mollitum)
- DŻ ([ts] sonorum palatale)
- RZ (olim R palatale, nunc eodem modo pronuntiatur ac Ž)
- SZ (ut "sh" in Anglico aut "ch" in Francogallico)

*Est quidem haec scriptura proxime pronuntiationem, sed nulla plerumque in scribendo habetur ratio consonantium assimilandarum; quare exempli gratia praepositio PRZEZ (quod est 'per') pronuntiatur tamquam si esset scriptum PSZES, RZ in SZ converso propter P litteram antecedentem, Z autem litterae ultimae bombo evanido propter verbi finem - quod sane non fit, si continue in loquendo insequitur verbum quod aut a vocali aut a sonora consonante incohatur (quod est cur hoc verbi sic scribatur). Nec aliter res se habent in lingua Latina, confer scripturam "oBsequium", "seD" aliaque talia.*

Lingua Polonica język polski	
IPA:	[ pɔlski ]
Taxinomia:	Lingua Slavica Occidentalis e divisione Baltoslavica familiae Indoeuropaeae
Locutores:	39 990 670 (anno fere 1986) <sup>[1]</sup>
Sigla:	<span>1</span> pl, <span>2</span> pol, <span>3</span> pol
Status publicus	
Officialis	<span><span></span><span> </span></span> Polonia
Privata	<span><span></span><span> </span></span> Canada, <span><span></span><span> </span></span> CFA, <span><span></span><span> </span></span> Britannia, <span><span></span><span> </span></span> Australia, alibi
Litterae:	<span><span></span><span> </span></span> Litterae Polonicae
Scriptura:	<span><span></span><span> </span></span> Latina
Procuratio:	—
<div></div> <div>Familiae linguisticae coloribus Vicipaedicis pictae</div>	

## Morphologia

**Nomina** linguae Polonicae habent:

- Septem **casus**, hoc ordine:
  - mianownik (nominativus)
  - dopełniacz (genetivus) (qui etiam ablativi fungitur munere)
  - celownik (dativus)
  - biernik (accusativus)
  - narzędnik (instrumentalis)
  - miejscownik (locativus)
  - wołacz (vocativus)
- Tria **genera in numero singulari**: męski (masculinum), żeński (femininum), nijaki (neutrum), sed duo tantum **genera in numero plurali**: męskoosobowy (masculinum-personale), niemęskoosobowy (femininum-impersonale);
- Duos **numeros**: pojedyncza (singularis), mnoga (pluralis);

*Exstant vestigia numeri dualis: w ręce = in (una) manu, w rękę = in utraque manu (quod tamen nunc, quamquam in crebro est usu, vulgo intellegitur ut "in una manu", quoniam numerus dualis longe est emortuus), w rękach = in manibus. 100 sto = centum; 200 dwieście = dwie-ście (dwe ste) = quasi duo-centi (-e est numeri dualis in Polonico prisca desinentia); 300 trzysta = trzy-sta (tri sta) = quasi tria-centa (hic iam numerum videbis pluralem); 400 czterysta = cztery-sta (cztery sta) = quasi quattuor centa (item).*

**Verba**: Verbis sunt:

- Tres **modi**: oznajmujący/orzekający (indicativus), rozkazujący (imperativus), warunkowy/przypuszczający (condicionalis);
- Sex **tempora** in indicativo:
  - teraźniejszy (praesens)
  - przeszły (praeteritum)
    - przeszły niedokonany (imperfectum)
    - przeszły dokonany (perfectum)
  - przyszły (futurum):
    - przyszły niedokonany (futurum infectum)
    - przyszły dokonany (futurum perfectum)
  - zaprzyszły (plusquamperfectum) (exoletum)

*Praeterita et futura perfecta ex aliis plerumque fiunt verborum radicibus quam quae faciunt praeterita et futura imperfecta. Quare sunt qui tria tantum tempora esse in lingua Polonica insistant, scilicet praesens, praeteritum, futurum, per duos verborum aspectus disposita, hoc est infectivum perfectivumque. Quod est idem et utique facit tempora quinque principalia, adiecto autem illo exoleto plusquamperfecto, eadem sex. Nam tempus praesens est unum nec esse potest nisi in verbis infectivis.*

- Tria **genera**:
  - czynna (activum)
  - bierna (passivum)
  - zwrotna (medium)

*Verba in temporibus praeteritis perfectis et futuris infectis etiam genera nominalia, hoc est masculinum, femininum, neutrum, habere non est praetereundum.*

- Duo **aspectus**: dokonany (perfectivus) et niedokonany (imperfectivus);\\

*Quae, ut supra dictum, iunctim possunt respici cum temporibus.*

- Duo **numeri**: singularis et pluralis;

- Tres personae

# Proverbias

Proverbia Polonica Solomon Rysinius colligebat et Latine vertebat<sup>[3]</sup>

## Notae

1. Ethnologue ([http://www.ethnologue.com/show\\_language.asp?code=pol](http://www.ethnologue.com/show_language.asp?code=pol))
2. Conradus Gesnerus, *Mithridates: de differentiis linguarum* (1555) textus ([http://gallica.bnf.fr/ark:/12148/bpt6k93867\\_1](http://gallica.bnf.fr/ark:/12148/bpt6k93867_1)) ff. 52r-56r; Athanasius Kircherus, *Turris Babel, sive Archontologia* (Amstelodami: Jansson-Waesberge, 1679) textus (<https://archive.org/details/turrisbabelsivea00kirc/>) pp. 215-216
3. Proverbiorum Polonicorum a Solomone Rysinio collectorum centuria decem et octo (<http://www.dbc.wroc.pl/dlibra/doccontent?id=23658>). Lubecz ad Chronum, 1618.

## Nexus externus

- 7 casus linguae polonicae (<http://www.parracomumangi.altervista.org>)
- De hac lingua ([http://www.ethnologue.com/show\\_language.asp?code=pol](http://www.ethnologue.com/show_language.asp?code=pol)) apud *Ethnologue*

 Lege de **Lingua Polonica** in Vicilibris.

<u>Linguae Slavicae</u>	
<u>Linguae Slavicae Orientales</u>	<u>Lingua Novogardiensis antiqua</u> • <u>Lingua Slavica orientalis antiqua</u> • <u>Lingua Russica</u> • <u>Lingua Ruthenica antiqua</u> • <u>Lingua Ruthenica Alba</u> • <u>Lingua Polesica</u> • <u>Lingua Ucrainica</u> • <u>Lingua Russinica</u> ( <u>Lingua Carpato-russinica</u> • <u>Lingua Russinica Croatiae et Banati</u> )
<u>Linguae Slavicae Occidentales</u>	<u>Lingua Polonica</u> • <u>Lingua Cassubica</u> • <u>Lingua Polabica</u> • <u>Lingua Slovincipica</u> • <u>Lingua Pomerania</u> • <u>Linguae Sorabicae</u> • <u>Lingua Bohemica</u> • <u>Lingua Iudaeo-Slavica</u> • <u>Lingua Lachica</u> • <u>Lingua Slovatica</u> ( <u>Slovaca</u> )
<u>Linguae Slavicae Meridianae</u>	<u>Lingua Slavonica antiqua</u> • <u>Lingua Slavica ecclesiastica</u> • <u>Lingua Bulgarica</u> ( <u>Lingua Bulgarica Banatus</u> • <u>Lingua Bulgarica Musulmanorum</u> ) • <u>Lingua Macedonica moderna</u> • <u>Lingua Bosnica</u> • <u>Lingua Croatica</u> ( <u>Lingua Croatica Burgenlandia</u> ) • <u>Lingua Slavica Molensis</u> • <u>Lingua Montenigrinica</u> • <u>Lingua Serbica</u> • <u>Lingua Slovena</u> • <u>Lingua Vandalica Slavica</u>

Receptum de "[https://la.wikipedia.org/w/index.php?title=Lingua\\_Polonica&oldid=3385171](https://la.wikipedia.org/w/index.php?title=Lingua_Polonica&oldid=3385171)"

Novissima mutatio die 16 Decembris 2018 hora 22:09 facta.

Nonobstantibus ceteris condicionibus hunc textum tractare licet secundum "[Creative Commons Attribution-ShareAlike License](#)". Vide [modos et condiciones](#).